

四庫全書

史部

欽定四庫全書

史部
廣西通志卷一百二十三

詳校官給事中臣鄧文泮

檢討臣德生覆勘

總校官進士臣朱 鈐

校對官中書臣葉 蘭

騰錄監生臣田琦紳

欽定四庫全書

廣西通志卷一百二十一

藝文

歷朝

五言律詩

過巒洞

唐
宋之問

越嶺千重合巒谿十里斜竹迷樵子徑萍匝釣人
家林暗交楓葉園香覆橘花誰憐在荒外孤賞足

雲霞

自湘水南行

張九齡

落日催行舫，委遲州渚間。
誰云有拘役，乘此更休閒。
暝色生前浦，清暉發近山。
中流澹容與，唯愛鳥飛還。

題梧州陳司馬山齋

孟浩然

南國無霜霰，連年對物華。
青林暗換葉，紅藥欲開花。
春去無山鳥，秋來見海槎。
流芳雖可悅，會自泣。

長沙

寄楊五桂州譚

杜甫

五嶺皆炎熱宜人獨桂林
梅花萬里外雪片一冬深
聞此寬相憶為邦復好音
江邊送孫楚遠附白頭吟

過柳州

戴叔倫

地盡江南戍山分桂北林
火雲三月合石路九疑深
暗谷隨風過危橋共鳥尋
羈魂已愁絕不復待

猿吟

種柳戲題

柳宗元

柳州柳刺史種柳柳江邊
談笑為故事推移成昔
年垂陰當覆地聳幹會參天
好作思人樹慙無惠
化傳

送桂州嚴大夫

韓愈

蒼蒼森八桂茲地在湘南
江作青羅帶山如碧玉簪
戶多輸翠羽家自種黃柑
遠勝登仙去飛鸞不假驂

海南送韋七使君赴象州

陳陶

一鶚韋公子新恩領郡符
島夷通荔浦龍節過蒼梧
地里金城近天涯玉樹孤
聖朝朱紱貴從此展雄圖

送容州唐中丞赴鎮

張泌

交趾同星座龍泉佩斗文
燒香翠羽帳看舞鬱金裙
鷓首衝瀧浪犀渠拂嶺雲
莫教銅柱北祇說馬將軍

送獨孤判官赴嶺南

劉長卿

伏波初樹羽，待爾靜川鱗。
嶺海看飛鳥，天涯問遠人。
蒼梧雲裏夕，青草嶂中春。
遙想文身國，迎舟拜使臣。

桂林路中作

李商隱

地暖無秋色，江晴有暮暉。
空餘蟬鳴嘒，猶向客依依。
依村小犬相護，沙平僧獨歸。
欲成西北望，又見鷓鴣飛。

桂林即事

城窄山將壓江寬地共浮
東南通絕域西北有高樓
神護青楓岸龍移白石湫
殊鄉竟何禱簫鼓不

曾休

昭州

桂水春猶早昭州日正西
虎當官路關猿上驛樓
啼繩爛金沙井松乾乳
崗梯鄉音殊可駭仍有醉
如泥

哭劉司戶蕢

路有論冤謫言皆在中興空聞遷賈誼不待相孫
弘江濶唯迴首天高但撫膺去年相送地春雪滿

黃陵

異俗二首

自注時從
事嶺南

鬼瘧朝朝避春寒夜夜添未驚雷破柱不報水齋
簷虎箭侵膚毒魚鉤刺骨銛烏言成謀詐多是恨

彤檐

戶盡懸秦網家多事越巫未曾容獮祭只是縱豬
都點對連鰲餌搽求縛虎符賈生無事鬼不信有
洪爐

遊東觀

張固

巖岫碧孱顏靈踪若可攀樓臺烟靄外松竹翠微
間玉液寒深洞秋光秀遠山憑君指歸路何處是
人寰

南中

王建

天南多鳥聲州縣半蕪城野市依蠻姓山村逐水
名瘴烟沙上起燐火雨中生獨有求珠客年年入

海行

桂嶺

嶺頭分界堠一半屬湘潭水驛門旗出山蠻洞主
參辟邪犀角重解酒荔枝甘莫道中華遠南陬更
有南

送戴端州赴容州

陳羽

分命諸侯重葳蕤繡服香八蠻治險阻千騎踏繁
霜山斷旌旗出天清劍珮光還將小戴禮遠出化

南方

蠻家

項斯

領得賣珠錢還歸銅柱邊看兒調小象打鼓試新
船醉後眠神樹耕時語瘴烟不逢寒便老相問莫
知年

昭潭十愛

錄六

宋梅摯

我愛昭州水湘灘共一源本無汙泥滓去有棹歌
誼沃野藤溪道浮探玉海門有時新雨漲多半是
君恩

我愛昭州士平居富塾庠興賢尊漢詔論秀美周
鄉藝苑蒲開牒書堂縹結囊蟾宮前後進一一手
間香

我愛昭州觀栽基歷大溪一樓雲駐隱雙表鶴歸
迷金窠先朝語鸞驚舊使題皇恩新雨露祈福為

蒸黎

我愛昭州路優游不險崎
九疑通舜野八桂遶秦祠
亭堠相望處漁樵有讓時
政無牙虎鬪莫信義

山詩

我愛昭州酒千家不禁燒
縹醪一爵舉瘴霧四時消
紅葉和雲踏青帘傍水招
化濃民自醉鼓腹日

歌堯

我愛昭州果西東此擅珍
荔枝登宴美桂子薦盤

新映樹珠含影承牙玉溜津二年遊官樂滿腹嶺
南春

北牖洞

孫抗

舊駐東方騎因題北牖名來須風作御去認斗為
城日氣晚方到雲收寒易生子心匪游衍拱北振
華纓

朝陽洞

險絕信天開春蘿蔭古苔不愁雲景閉先得日光

來片石充碁局涼坡遞酒盃東風偏著意草木爛
成堆

過清湘

陶弼

嶺開蠻壤斷此地下湘川綠水紋如染丹楓色欲
然瘴消還愛酒我醉尚憂邊故里誰相訪孤帆出
曉烟

霞溪驛

歌聲野色中人樂歲時豐暑雨陰晴雜秋田早晚

同嶺雲無烈日江樹足涼風
自指鄉山語前村有
路通

二妃廟

溪上龍蛇屋蕭條帝女祠
竹痕當日淚山色後人
疑古服霞流綺新粧月
獻眉楚民無水旱簫鼓謝
神禧

題興安縣石灰舖壁

馬度嚴關口生歸喜復嗟
天文離卷舌人影背含

沙江勢一兩曲梅梢三四花登高休問路雲際是
吾家

再至陽朔

五管新多事輕車屢往還勤勞成白髮故舊是青
山樹色纔分楚江聲未出蠻自慙迎候少無惠及
孤鰥

攔蠻山

西去萬重山茲峯獨限蠻天生賊多計民賴汝為

關設險數州地
防危一日間
守邊須以道
絕頂可躋攀

永平寨道中

疊嶂深千里
窮邊今一隅
北風家信南
斗客程途
嶺勢頻開合
猿聲乍有無
過溪人語笑
隔岸戍烟孤

送呂濤典獄之梧州

峽口蒼梧縣
城依南斗魁
江潭海潮上
地熱火山

來草沒嘉魚穴雲封拜表臺到應無獄訟豈蕝酒
頻開

容管

一年勾漏守尋盡洞中天佛記盧藏用仙壇菖稚
川醒心西驛水燒眼碧池蓮我豈無新事詩碑與

酒泉

自注郡有勾漏白石都嶠等山所謂三洞天也盧藏用大雲寺記石高丈二尺西驛韋丹

建閣下有石泉并記後
唐李復作池植蓮數萬

南寧崑崙關

關路下崑崙巒蠻封迤邐分春光先著草雨意不離
雲俗異君修德時平將用文臨溪照綠水老鬚雪
紛紛

三公臺落成

北原喬木外三將舊屯營草沒金鉞蹟山應玉管
聲路隨關地迥江背瘴天輕異日誰相繼來書第
四名

羅秀山

尋山入羅秀旋結草堂居花露生瓶水松風落架
書聞猿得句後見月出行初此夕雲林下無因夢
使車

那霸泉

昔年觀地志此水出牂牁斷岸深無底平流暗起
波感恩來客少射影短狐多未老諸蠻在樓船空
再過

思明府明江

幾年來瘴外此夜宿清中照枕殘雞月吹燈落葉
風盧循猶偽國楊僕已衰翁起戴寒星去前村燒

影紅

送向綜通判桂州

范仲淹

通藉三公後監州五嶺深欲知明主意將慰遠人
心歲計多藏藥舟行不廢琴歸書清白最寧問素

中金

劉仙巖

曹輔

石磴仙巖路登臨莫倦攀
亂泉歸萬壑一目盡千
山嶂雨收雲後松風吹
暮還道人今不見無處
覓

玄關

能仁寺

黃庭堅

招提古山島掩映碧江心
鐘叩蘋風遠僧禪水月
深鶴歸門外浴龍向檻
邊吟每遺遺詩者母亡撥
棹尋

挽鄒忠公

楊時

一伏青蒲上三年瘴海濱
泉甘不出戶客至豈無
神報國心常在知恩志未伸
追懷垂絕語空有淚
盈巾

容南道中

李綱

路入容南境風烟自一方
山空雲冉冉春動水茫茫
紫府丹砂祕幽村碧樹芳
蕭然有佳致作箇是
炎荒

訾家洲

張孝祥

一雨便清涼
風回百草香
雲山朱家畫
水竹輞川
莊僧賦蠲
新帖牆
榛斬舊行
歸犗乘晚
霽空翠滿
輕裝

蒙亭

孫覲

小築三間足
雄包萬象并
遙波通極浦
落日抱孤
城小語千巖
應長歌百蟄
驚坐看衣屨
上漠漠晚
雲生

紅苴蔻花

范成大

綠葉蕉心展紅苞竹撐披貫珠垂寶絡剪綵倒鸞
枝且入花欄品休論藥裏宜南方草木茂為爾首
題詩

堯廟

張栻

明祀崇千載荒山拱萬靈插天巉絕壁飛瀑下空
庭繪事存淳古真風寄杳冥蘋蘩何以薦帝德日
惟馨

仲春過陽亭

亭古危臨岸林幽巧近城烟容隨雨住花片著溪
清春事已如許客懷誰與傾亭前兩好樹滿意欲
敷榮

觀靜江山水呈陳魯叟漕使

戴復古

桂林佳絕處人道勝匡廬山好石骨露洞多巖腹
虛崢嶸勢相敵溫厚氣無餘可惜登臨地春風草
木疎

融州東樓

陳藻

燈火無蠻市江山遶暗城
漁舟關柝響野燒日頭
生雨闊千村暝天高一月行
夜樓多好景都不礙
陰晴

全州

劉克莊

寂寂全州路家家荻竹扉
異僧留塔在過客入城
稀傳舍臨清泚官亭占翠微
沙頭泊船者多自嶺
南歸

初遊水東諸洞次同遊韻二首

桂山前未到今日是初遊招鶴登青巘呼龍俯碧
湫深溪通秉炬小竇劣容舟豈敢輕題詠同官盡

柳劉

舊聞巖洞勝欲往自髫年聳秀過靈隱幽深似善
權遠環州堞外近獻屋簷邊倘有登臨約時時願
執鞭

堯廟

帝與天同大天存帝亦存桑麻通絕徼蕭鼓出深

村水至孤亭合山居列岫尊尚餘土階意樵牧踐
籬藩

舜廟

粵俗人知帝遺祠古至今青山花寂寂朱戶柏森
森雨打荒碑缺苔封石洞深曾聞張侍講來此聽

韶音

蓼帶亭

上到青林杪凭欄盡桂州千峯環野立一水抱城

流沙際分漁艇烟中見寺樓不知垂去客更得幾
迴遊

疊綠巖登越亭

朱晞顏

不到越亭久榴花今已紅江流寒瀉玉山色翠浮
空百越薰風裏三湘夕照中行藏仗忠信六合本
同風

淳祐庚戌因勸農來白龍洞得四十字

李曾伯

老龍昔未蛻嘗蟄此山中霖雨春疇足風雲夜壑
空兩崖高下倚一徑往來通不願千金割惟祈百
穀豐

蒼梧即事

謝孚

近岸江聲急孤舟下杳冥峽泉飛瀑雨灘石走羣
星水有瀟湘色猿同巴蜀聽令人思舜德一望九
疑青

過梧州

易謙

城空花爛熳樓迥雨蕭條
毒草春生瘴蠻江晚上
潮魚肥堪把釣鳳去不聞韶
萬里雙持節恩波賴
聖朝

逍遙樓

建都思

逍遙留古迹勝景浩無窮
霧鎖山城市烟藏水府
宮峰巒霄漢外棟宇畫圖中
百草叢深綠羣花綻
淺紅

湘山寺

雷隱翁

何代梵王宮軒窻闕碧峯虛庭蒼巖西一徑白雲
封石澗吞寒竹巖猿蒼暮鐘能令吟賞者不倦往
來重

柳州道中

元陳孚

五嶺炎蒸苦征夫各陣行荒哉秦象郡痛矣柳龍
城水毒人多病烟昏馬易驚里閭凋瘵甚邊將莫
言兵

度三花嶺

絕壁三千丈荒烟八九家
黃茆青草瘴黑質白章
蛇椒攬高懸子芭蕉倒吐花
巖頭一回首何處是
京華

桂林

傅若金

桂林南望遠山路與雲連
淺水清涵石攢峯亂刺
天干戈仍歲月瘴癘接風烟
蠻寇何能定邊氓亦
可憐

梧州嘉魚亭

舟楫回沙驛旌旗駐郡亭江通五管白天落九疑
青此日瞻雲氣誰家見客星軍需晝夜急寇盜幾

時寧

賓州

過嶺冬猶熱綠山夜未寧樹殘兵後赭草發燒餘
青西寇迷仙霧南人候使星民居日稀少惟見短
長亭

還聞柳州破道阻將泝江

交趾方通使賓州忽被圍還聞山路塞徑就水程
歸上府空金枕前軍老鐵衣誰能平政化不事總
戎機

書堂山

陸 垕

何年柳使君開此讀書林天地三江遠烟雲一徑
深高山仰聖道流水靜人心伊昔從遊樂遺風尚
可尋

逍遙樓

別多喇卜丹

身世雲霄上飄然思不窮
晴山排翠闥暮靄閱琳宮
牧笛殘雲外漁歌落照中
蓬萊凝望眼隱隱海

霞紅

逍遙樓次韻

吳伯寅

危樓天欲半登覽興何窮
雲鎖崑崙塞星環太乙宮
江山圖畫裏賓主笑談中
回首嚴城暮千門日

景紅

懋金雞驛亭

明

劉崧

綠雲上驛亭春色正冥冥千樹棠梨白滿山蕉葉
青碧潭開匣鏡秀壁擁帷屏尚說容州遠舟行未
可停

下馬

下馬度嶽峯千溪復萬林含沙疑鬼箭飛草畏蜺
鉞火種通徭俗山歌雜戍音逢迎暫投息起坐劇
愁心

發梧江驛

韓守益

早發梧江驛新晴宿雨收暖風寒食後啼鳥綠陰
稠到處停蘭棹逢人問象州隄防多鼠盜終夜整
戈矛

懷遠縣

治平今日因得遠人懷一水牂牁遠千山翡翠
開竹祠依澗壑縣郭半雲霾我正詢民瘼苗碩莫
浪猜

謁羅池廟

嘗聞柳州柳今到柳州城謁廟雙旌去看碑百感
生遠人嚴祀典遺像著高名庭樹參天綠神來瘴

癘清

遷江縣

駐馬遷江縣懸旌映落霞山危開八寨縣小只三

家望望依前戍嗚嗚起暮茄晚涼生廨宇中夜夢

京華

蒼梧即事

林弼

駐馬蒼梧野雲烟半杳冥荒林虞舜廟斜日呂仙
亭城枕三江險山連百粵青長歌舒逸興激烈振
林垆

邕州

王儼

五管推名郡雙江接上流人家蠻霧曉山雨瘴烟
秋遠客誰青眼殊方易白頭今宵南極外分野望
牽牛

宿蘇橋驛

藍智

桂嶺愁人地梅花歲暮天孤雲寒雨外獨鳥暝鐘
前牢落空雙鬢驅馳又一年觀風愧無補為客記

山川

柳城道中

霜氣晚淒淒荒岡恐路迷孤雲桂嶺北落日柳城
西地暖蛇蟲出林昏鳥雀棲蠻鄉經戰伐問俗愧
遺黎

恭城縣

十室黃茅邑千峯紅葉村喧卑蠻俗異質朴古風
存雞犬連猺峒牛羊到縣門殘年歷荒徼遙布聖
明恩

過雲洞嶺

路出千林迥山連五嶺遙石崖懸度棧野樹臥通
橋澗飲猶防蠱畝耕盡屬猺夕陽驅瘦馬鬚影漫
蕭蕭

柳城縣

青山入縣庭小邑但荒城竹覆茅茨冷江涵石壁
清草蟲當戶墜水鳥上階行問俗知無事松風一
舸輕

西山

萬霽

數里西山路千家夕照村霞光迴樹杪山影倒雲
根吏少空庭舍人歸附郭門地偏風俗好雞犬任
黃昏

青連山

錢溥

萬壘山如障城頭翠作圍玉龍隨瀑挂玄鶴伴雲
歸謝屐遊難遍陶籬見亦稀倚欄看不厭嵐翠濕
人衣

白雲洞

野外尋仙迹雲封古洞幽碧桃時在澗瑤草不知
秋道路通三島烟霞占一丘有無誰可必明月自
悠悠

鰲頭山

江上蟠桃石雄吞北郭陸中擎天一柱獨障水東
馳霖雨多需望風雲每護持憑誰一點化高躍向

天池

伏牛嶺

張拯

落日度牛嶺歸禽相與還雲吞山一半路沒水中
間村落多稱寨行人每怯蠻羣黎入版籍嗟爾一
何艱

成化七年十二月十有八日余與總鎮太監陳公

總兵官平江伯陳公視耀武揚威關留款慶林寺
寺前山坡之上其平如掌下臨長江旁列茂樹衆
登覽為之躍然喜勝地之偶得而因念時事浩然
興發作一詩書貽寺僧同遊者參議王孟育馮文
綱也

韓 雍

嚴關閱初遍下馬憇禪林樹覆連天幕泉鳴隔澗
琴憂民成老疾報國喜同心聞道西征急何時聽
捷音

過大關

魯鐸

大關惟線路躡磴上崔嵬雲觸車簷起泉從樹杪
來寒輕花繼續濕積蘚氈氍遠道逢奇勝奚囊取
次開

上林道中

山路奇還險肩輿阻復通有時疑墮井忽地欲凌
空襟袖雲中氣旌旗樹裏風獨憐寒暖候不與故
園同

崑崙關

路出崑崙上中林不見天
巢卑幽鳥護樹老怪藤
纏空翠疑成滴陰崖戒
近邊前驅知不遠威稊隔

蒼烟

正德庚辰四月二十七日廣西進兵

周用

先捷猶天幸懸軍勢不孤
膏脂饒粟帛老弱戒弦
弧五月方誅戮三苗復嘯呼
未聞堯舜日亦復望

來蘇

題陽朔縣

王臣

山城極清秀彷彿武陵源黃葉飛江路青山到郭
門田中禾本立牆角豆花存坐待梧桐月披襟共
客論

柳山書院

劉啟

柳山名已久刺史暮方來佳勝依然在榛蕪次
第開續編循吏傳重築讀書臺何幸陪游衍清泉薦

一杯

訪仙源洞得道人蔣馨故棲石題
顧璘

水曲桃花暗靈巖信有仙蟲書留古洞鶴駕去何
年白犬眠金竈蒼龍飲玉泉愧非嵇叔夜來此竟
空旋

春日磐石江上

歷歷春山色留人坐不歸空園花自發芳草雉爭
飛多病懷鄉切端居出郭稀塵冠將白首無乃負

漁磯

入金盆山訪唐孝子

舊聞割股事今見結廬情
篤行關風俗殘軀效死
生秋原雙淚苦春草寸心傾
獨夜悲風切偏聞宰
樹聲

小泛得黃樓諸山之勝

不奈城中役重尋水上遊
秋光俱白舫山翠忽黃
樓竹覆溪門淨雲藏石洞幽
誅茆饒野意留語報

沙鷗

月牙巖

孟洋

天設巖須古月牙名自今樹低千岸轉洞敞萬峯
侵冠服承雲麗笙歌落澗深南州真勝槩北客此
登臨

興安道中

汪必東

問縣古興安觀山秀鬱盤松浮蘿蓋遠石溜澗泉
寒陡開平分浸湘灘此發端放舟沿兩岸花草入

窻春

靈川道中

曉日靈川道春風遠使旌山迎來雨色石過轉泉
聲細澗桃紅杳高原稼綠平人家多隔樹疑在武
陵行

駐潯州

三峽聞藤斷雙流見桂平牂牁通象遠勾漏出龍
清何事虛開府頻年少往氓蕭條駐藩節回首媿

干城

駐賓州

長驅來宦轍遠徼入賓州地接龍荒貢途通象服
郵民風今不陋王澤故長流何為田禽執偏煩士
馬蒐

駐南寧

西粵觀諸郡南寧亦首風正音前漢叶奇貨左江
通銅柱勲名後金城禮信中須知夷壤接徃歲事

征戎

龍門驛

徐問

險仄灘江峽龍門驛路通軍麾沙水上春色瘴烟
中深樹埋豺虎窮荒絕雁鴻天山勛亦壯吾欲挂
彫弓

烏蠻江上曉發

向錦

威武神祠下鐘殘曙色分疎簾透初日危嶺墮秋
雲江滿灘聲穩風高鶴唳聞身為萬里客獨往更

誰羣

青山廢寺覽古

陳瑾

石壁題名遍雲封古磴斜蜂銜爭嫩蕊鹿卧藉寒
花水碓猶春雪松房半宿霞巖前僧定處占作野
人家

過象州

蔣山卿

秦皇開象郡茲事已千年臺古埋秋草城荒起暮
烟江天雲漠漠石嶺月娟娟萬里慙漂泊因風懷

昔賢

興安道中

黃佐

放浪滄洲客遲迴桂水春
密雲虛礙馬芳草遠隨
人野闊啼鶯樹山多佩犢民
戍歌愁聽汝荒服幾
時新

太平學舍八首

錄三

張岳

吾道江河水文章奎壁精
寒光無楚粵清潤足竝
嬰絕傲兵戈少青衿絃誦
鳴新秋占氣候應塵紫

芝榮

空城抱靜碧太宇逼青蔥誰謂經無用人知聖可
同三千歷戎馬萬丈吐霓虹所志諒能遠殷勤戒

篆蟲

聲教千年運春秋一畝宮明禋薦綠藻遺響拂絲
桐地遠人多朴中孚物自融乘桴非有託茲意鬱
沖沖

昭州道中

潘恩

舟移桂嶺外人泊暮江清百越炎蒸地千山虎豹
羣虛明涵洞月狼藉散溪雲何處征歌發愁子不
可聞

登思恩籌邊樓

吳赴

高壓郡西城籌邊不浪名江山三面敵雞犬幾家
聲敗堞烟中靜危橋竹外明公餘一登眺觸處盡
詩情

自柳至平樂書所見

袁 袁

象郡極蕭條賓州頗沃饒
趨墟多醜女互市半良
徭箬裹檳榔貴花糲
茉莉嬌輜軒叨使者異俗采
風謠

邕管真堪賦江南恐不如橘奴
金彈密荔子水晶
虛海錯羞方物山蕉入野蔬
無論寶玉賤魚米自
宜居

鬱白方言似潯梧瘴氣賒
蚺蛇晴挂樹射蜮晝含
沙屋覆湘君竹山紅蜀帝花
夷堅收未盡博物待

張華

昭平灘險惡最險是龍頭藥弩弦齊發銅刀鞘屢
抽紅巾翻把隘白晝競鈎舟倘得山韓將狐羣豈
足憂

謁劉賢良祠

高樹臨流水空庭澹夕陽萬言翻下第三黜竟投
荒事業存青史英靈儼白楊古來稱屈者不獨一
賢良

謁柳祠

羅池非昔日柳廟亦荒頽秋草重門閉寒花獨樹
開文章真命世今古孰憐才猿鶴如相訴松風晚
更哀

烏蠻灘

灘說烏蠻險今來異昔聞江流清似鏡山瘴白於
雲銅柱瞻遺烈叢祠表懋勳伏波如可作談笑掃
妖氛

蒼梧作

氣候南荒異蒼梧濕更饒山雲晴忽雨江霧夜連朝
病與炎俱劇愁隨瘴不消故鄉那可望桂嶺已迢迢

昭潭見雪

五嶺傳無雪三冬喜見花霰喧窓竹響絮捲朔風斜
臘已辭梅萼春先報柳芽誰憐僵卧者猶自滯天涯

鬱林州

王 問

舊屬蒼梧郡今通南海軍崗中風轉惡嶺外氣全
分怪蟒呼人姓陰蛟吐瘴雲夷歌起樵牧幾度隔
墟聞

蒼梧夏泊呈同行楊少室憲長

謝少南

嶺外自恒炎梧山更鬱盤江霖偏作癘冰井不生
寒並艤枕榔樹初看荔子丹仙舟涼夜興飛雪灑
鳴湍

登七星巖

熱火窺玄谷披雲上翠峯
王城環翼鳳江水抱游
龍草合虞皇轍疆分漢帝封
還將千古意把酒對
高春

遊靖藩宗室池館

帝胄仙人館朱扉綠野堂
水涵魚藻動擗放鳳翎
長客簡雕金賦神丹閱玉房
悠然心自遠疑是白
雲鄉

書蒼梧署中

錢 薇

兩載天南棹，兼旬鉤檢賒。
明庭隔霄漢，使節滯荒
遐。花鳥同中土，雲烟帶
遠沙。炎方非足慮，祇切媿

黃麻

大黃江口

江流急於箭，風高浪拍天。
簾開山入座，雲暝雨隨
舡。椎髻蠻堪駭，侏僂語
孰傳。回看津吏候，瞬息過

前川

牂牁江

路入東甌國猶登萬里舟
衣冠無故識邪許總夷
儔壤接夜郎境程踰銅柱
秋清風賴相送暫爾思
悠悠

發橫州

何御

役役催行色蒼蒼望曉河
雁經炎海少花發越山
多水芋宜春種烟蘿待晚
過單車猶入郡五馬意
如何

至烏蠻灘

灘水迅如此行人仍暮過
風烟變道路祠寢漢山
河功豈雲臺掩悲應野老多
千秋思蒼苒返棹激
長歌

潯江舟中

野橋津吏待稍泊散羈愁
江月先臨館山雲早上
樓人喧城下渡鼓發驛前舟
暝色蒼蒼遠風帆何
處收

咏董泉

徐浦

石隙鳴泉瀉秋深玉髓流精靈涵太始澄澈濬源
頭出澗施千頃餘波沃九州生民望龍雨早晚此
中求

橫州夜泊浮槎館

張佳蔭

奉使豈張騫仙槎此地傳舟來豚鬻水人及荔支
天客舍懸新月鄉書已舊年因思一片石今在錦
江邊

興安道中

方宏靜

雲迷峯自疊灘急水相離

湘灘二江於此
分言相離也

竹露長

疑波松風不斷吹
撞兒歌刈稻
徭女舞祈祠
萬里今封建無言
陋九夷

府江舟中

灘窄自應激嶂深殊未厭
揮絃白鳥起卷幔碧雲
添境昔華夷限官今吏隱
兼榜人無太駛為數衆
峯尖

登橫州鉢嶺二首

翁溥

百粵孤高處披雲試一臨萬山殘照遠列郡瘴烟
深古樹藤蘿合空林猿狖吟殊方聊復爾天地滌
煩襟

天畔招尋客竒探興不羣將軍凌紫邏多士入青
雲野曠孤邨小江晴遠水分飄然遊象外歌嘯隔
崖聞

思恩舊府

周璞

聖朝文化溥土族尚英雄礚礚山川異經營制作
同文亡失舊事世亂剩殘宮欲得興衰故殷勤詢
老翁

鬪雞山

盧仲佃

嶺西山洞別此有鬪雞名月下昂冠迥風中振羽
輕兩涯虛幻影萬古歛啼聲我抱探竒僻輕舟不
問程

遊南山

鄧朝賓

江南開古寺竒蹟到人間
石佛懸飛蓋金鱗躍翠巖
洞深雲更鎖松老鶴猶還
絕頂攀躋處依稀斗

宿參

送項子忠明府之蒼梧

李敏

白首蒼梧令逢人說瘴鄉
藤陰鳴蛤蚧山氣暗枕榔
自昔由虞化何嫌本粵疆
桃花栽滿縣春色勝

河陽

自橫槎泛端溪

區大相

竹岸收殘市花源訪故津里將仁共美俗以德為
鄰土布芭蕉盛林香橘柚新何須會稽守方作錦
衣人

遊興安乳洞

俞安期

斷蹟藏沙渚飛梁渡澗門履田分石畛探水溟雲
根凍雨垂空結春雷殷地奔將無異人隱紫氣擁
朝昏

飲柳山

楊芳

把酒高臺上青山落案前
飛花三月雨垂柳萬株
烟勝地堪吾醉清風媿昔賢
塵纓何處濯深澗有
寒泉

鬱林過博白道中即事

金輅

不識辛倉路今知平政橋
江流南入海山雨北通
潮野興催詩急鄉心入夢遙
蒼梧雲暗處疑是聽
簫韶

興業過博白道中

官道穿崎峽藍輿襯晚晴水鳴如有為山曲更多
情野鳥迎人語林花映日明愧無經濟業何以慰

蒼生

平樂廣運堡謠

管大勳

廣運接龍洲營屯跨上流編茅還作屋剗木即為
舟城郭依高塹豺狼遁遠陬年來平十寨無復九
層樓

安南貢使阮寶道蒼梧以詩上諸司時觀察胡公

次其韻并和

陳熙韶

星門戎索靖日域塞烟清象齒開南道龍驤嶺外
營冠裳歸漢習鼓事郊迎側耳蠻雲裏喧闐起
頌聲

登雉巖相傳即雉聽經化處唐宋人多於此送遠
亭榭久堙予興復之

曹學佺

江水入陽渠春流曠有餘巖空靈雉化穴小定僧
居出餞聞茲地歌風陟彼碣久無軒蓋到荒徑為

誰除

汎舟金蓮港因游白龍洞

的的水蓮金舟移入港深孰知平野上轉自得幽
岑穴暝分僧爨泉高落梵音秋光渾不減僻處乍
堪尋

木龍洞

桂中稱最險域外有重扃匪藉丁夫鑿能穿癸水
亭坦然車馬路宛爾木龍形却喜沿江望堯山一

抹青

桂林風謠十首

楚粵流皆仰湘灘水自分易生階面草難度嶺頭
雲素節龍舟競冥摻鼠穴熏水東街最盛遊女咽
羅裙

雲陵入始安桂海地漫漫節令無冬夏陰晴變燠
寒茗含烟氣重蔬裏磔沙乾癸水東城入兵戈幸

不殘

古城
識云癸水統東
永不受刀兵

自古云荒服分藩亦懿親銀章懸國信朱邱錯居
民城外寬文網車中吐錦茵他方傳好尚厭罷此
纜新

物候中華隔高寒轉苦卑桂花多晚實松樹每交
枝蠹粉時侵面冰風易中肌嶺西饒藥物病嬾亦
誰醫

簫鼓沸中秋肩挑水族稠饗殮臨頓辨節序競時
修月兔燈俱上風鳶瘴易收官街青石路醉倒滑

如油

不住檳榔嚼相傳好辟嵐喉乾如轉磨葉響似餒
蠶棄地皆脂澤逢人若醉酣生年無半百黃面老
瞿曇

偏安聞此地漢法已全疎塞迥書違雁溪清弩射
魚穿山為孔道放陡下靈渠待學桃源隱村村盡
可居

夜坐多蚊母秋成半芋魁寄桑傳釀法文石中碑

材成餉資橋稅山田仰糞灰廣南商販到鹽廠雪
盈堆

穠糧難猝辦邨老未全馴風俗傳難卜春秋祀馬
人法依山例峻歌疊浪花新嬾婦田間過忙將織

作陳

嬾婦山豬也食人田禾
以機杼之物陳設則止

退食衙應放長時印早函銜杯誇瑞露燒筍出靈
巖吏隱吾何媿人言或息譏豈如元祐世黨籍至

今劉

龍隱巖有宋
時黨人碑

過古田

何良臣

百蠻烟瘴裏道路異中原月冷千丘骨雲封萬壑
援年來傷遇晚戰罷幸身存欲作消憂坐無能賞
一罇

萃綠亭

許時謙

吏事邊城少探幽得自吟構亭倚古岸伴客甜濃
陰金印山蔭座龍英水遶林溪聲風裏細日夜有
鳴琴

廣西通志卷一百二十二

欽定四庫全書

廣西通志卷一百二十三

藝文

歷朝

七言律詩

嶺南郊行

唐
柳宗元

瘴江南去入雲烟
望盡黃茆是海邊
山腹雨晴添象迹
潭心日暖長蛟涎
射工巧伺遊人影
颺母偏

驚旅客船從此憂來非一事豈容華髮待流年

南省轉牒欲具注國圖令畫通風俗故事

聖代題封盡海孺狼荒猶得紀山川華夷圖上應
初錄風土記中殊未傳椎髻老人難借問黃茆深
洞敢留連南宮有意求遺俗試檢周書王會篇

登柳州城樓寄漳汀封連四州

城上高樓接大荒海天愁思正茫茫驚風亂颭芙蓉水
密雨斜侵薜荔牆嶺樹重遮千里目江流曲

似九迴腸共來百粵丈身地猶自音書滯一鄉

柳州寄丈人周韶州

越絕孤城千萬峯空齋不語坐高春印丈生綠經
旬合硯匣留塵盡日封梅嶺寒烟藏翡翠桂江秋
水露鰓鱗丈人本自忘機事為想年來憔悴容

柳州城西北隅種柑樹

手種黃柑二百株春來新葉徧城隅方同楚客憐
皇樹不學荊州利木奴幾歲開花聞噴雪何人摘

實見垂珠若教坐待成林日滋味還堪養老夫

柳州尚岷

郡城南下接通津異服殊音不可親青箬裹鹽歸
尚容綠荷包飯趁墟人鷓毛禦臘縫山罽雞骨占
年拜水神愁向公庭問重譯欲投章甫作文身

鬼門關

李德裕

嶺外中分路轉迷枕榔樹葉暗前溪愁衝毒霧逢
蛇草畏落沙蟲避燕泥五月畬田收火米三更津

吏報潮雞不堪腸斷思鄉處紅槿花中越鳥啼

送杜秀才往桂林

許渾

桂州南去與誰同處處山連水自通兩岸曉烟千
里草半帆斜日一江風瘴雨欲來楓樹黑火雲初
起荔枝紅愁君路遠銷年月莫滯三湘五嶺中

贈容南韋中丞

陳陶

普寧都護軍威重九譯梯航壓要津十二銅魚尊
畫戟三千犀甲擁朱輪風雲已靜西山寇閭井全

移上國春不獨來蘇發歌咏天涯半是泣珠人

和容南韋中丞題瑞亭白燕白鼠六眸龜嘉蓮

伏波恩信動南夷交趾喧傳四瑞詩燕鼠孕靈褒

上德龜蓮增耀答無私迴翔雪侶窺簷處照映紅

巢出水時盡寫流傳在軒檻嘉祥從此百年知

桂江

曹松

未識佳人尋桂水水雲先解傍壺觴
筍林次第添
斑竹雛鳥參差護錦囊
乳洞此時連越井石樓何

日到仙鄉如飛似墮皆青壁畫手不如元化強

趙觀文重試及第

褚載

一枝仙桂兩回春始覺文章可致身已把色絲邀
上第又將彩筆冠羣倫龍泉再淬方知利火浣重
燒轉見新今日舉頭看御榜大能榮耀苦心人

謁堯帝廟

軒轅彌明

祖龍開國盡遊荒廟建唐堯鎮此邦山捲白雲朝
帝座林疎紅日列仙幢巍巍聖蹟陵崧嶠蕩蕩恩

波洽桂江瞻仰威靈共回首紫霞深處鎖軒窓

南遊

曹唐

興盡南遊卒未迴水工舟子不須催正思碧樹關
心向難放紅螺蘸甲杯漲海潮生陰火滅蒼梧風
煖瘴雲開蘆花寂寂月如練何處笛聲江上來

晚次湘源

張泌

烟郭遙聞向晚雞水平舟靜鼓聲齊高林帶雨楊
梅熟曲岸籠雲謝豹啼二女廟荒汀樹老九疑山

碧楚天低湘南自古多離怨莫動哀吟使客悽

疊秀山

宋
周渭

平生賦性愛觀瀾今日登臨疊秀山天錫卦爻分
象外地將圭芴出人間昭州水遠孤城小五嶺山
高衆埵難極目紫宸何處是碧雲深處珮珊珊

楚南偉觀樓

柳開

洗盡蠻烟几案空登臨直見楚山雄坐當鴻鵠高
飛處身在乾坤灝氣中木落有情瞻北闕霜輕無

夢入西風凭欄自是蓬瀛客獨對瀟湘興未窮

表弟李宗元知桂州陽朔縣

楊億

桂林陽朔溪山秀莫歎迢迢五嶺南百里字人須
敏政千金酌水更懲貪鳴榔下瀨潮程遠曳彩升
堂壽讌酣遠地民淳無牒訴縣齋終日好清談

龍隱巖

張田

龍隱晦冥時莫考龍驤拏攫迹堪驚孔明久卧養
全德老子忽飛歸太清溪上一天常氣勝洞中六

月自寒生至人不得無情處甘澤年年灑百城

八桂林

陶弼

滿耳洋洋分嶺泉早秋時候晚涼天稻花斑白初
經雨竹色青蒼薄帶烟安得孤臣能慮患不勞明
主更憂邊東坡故老知誰在望我車塵若望仙

題陽朔縣舍

石壁深深繞縣衙不離牀衽見烟霞民耕紫芋為
朝食僧煮黃精代晚茶瀑布聲中窺案牘女蘿陰

裏勸桑麻欲知言偃絃歌處水墨屏風數百家

畚田過雨小溪渾遠近雲峯互吐吞殊俗易昏三

里霧陽崖忽露一家村桂花香裏尋僧寺榕葉陰

中掩縣門井稅未輸兵甲後心勤撫字且休論

賓州閱武堂

南嶠風雲久肅清壤溝殘壘號昇平官曹惟識薄

書字民俗不知金鼓聲徃歲忽傳南詔檄近時方

禁伏波營安城太守深邊計菡萏花開閱水兵

龍州秀嶺

路隨雲磴石梯行，限隔華夷天意明。
自與大君為外屏，何勞諸將作長城。
福民可拜三公爵，壽聖能呼萬歲聲。
海國未疆崖石老，待誰來此勒功名。

思甘泉水寄通判景範梁屯田

二井鑿通千佛塔，七元流濟萬人家。
波心不動青天色，井口常飛白雪花。
見釀宜成殘臘酒，聽煎尤焙早春茶。
歸時覺久添新歲，羞向寒青照鬢華。

白龍洞

鄒浩

洞門寂寂晝常陰誰識行天濟物心金翅影沉超
永刳玉毫光現契圓音滂沱普潤三千界黻黷濃
興一萬尋天子六龍方在御不應頭角閤幽深

周御史廟

忠言直節動天聰名在昇平北斗中陰德久宜家
有後光靈今與國無窮庭前烏集當年陌門外風
生舊日聽公不世情應我顧一觴聊復以誠通

綠珠井

玉容捐委畫樓塵一死甘酬石氏恩
竇笛有聲傳烈節明珠無淚逐香魂
雲寒雙嶺虛歸鶴夜靜孤村只斷損
試向綠蘿尋舊迹古碑遺井見清源

讀丘濬寺丞天繪亭記

丘侯慶歷中進觀風感事詩百篇責為昭州職官州

人尚有識之者云剛果難犯世傳其得道尸解莫知所在

襟懷落落富經綸
造命奇窮道不伸
詩以百篇天上獻
身為萬里幕中賓
每聽故老談風節
尚有遺

文照水濱聞說神遊已無闕想經山頂亦逡巡

讀龍圖梅公瘴說

市門隱去不知年蔽芾甘棠蔭樂川五瘴作時雖
不染一篇留誠指其然直須鏤版人皆與庶使綿
軀病可痊更有奇方公未說上醫醫國許心傳

桂林道中

李綱

時危遠謫墮南蠻猶在乾坤覆載間瘴雨嵐烟殊
氣候玉簪羅帶巧溪山枕榔葉暗傷心碧躑躅花

開滿目斑惟有月華依舊好清輝應與照雲鬢
桂林山水久聞風身世茫然墮此中日暮碧雲濃
作朶春深稚筍翠成叢仙家多住空明洞客夢來
遲羣玉峯雁蕩武夷何足道千巖元是小玲瓏

象州道中

路入春山春日長穿林渡水意徜徉溪環石筍橫
舟小風落林花撲馬香山鳥不知興廢恨嶺雲自
覺去來忙炎荒景物隨時好何必深悲瘴癘鄉

次貴州

青楓夾道鷓鴣啼古郡荒涼接島夷陸績故城依
石巘葛洪遺竈俯江湄光風冉冉吹香草烟雨濛
濛濕荔枝欲作終焉卜居計自應句漏不吾欺

和陳倩曾公巖韻

曾布

從事區區厭獨賢尋幽深入翠微間旋開榛莽東
郊路偶得神仙舊隱山都嶠三天臨瘴水靈巖十
里接溪蠻何如咫尺鄰風穴杖屨時時一往還

寄桂州張諫議和永叔

王鞏

桂林太守幾時行
泛汴桃花浪已騰
目極雲陰低
遠樹夜寒風急亂
春燈巢鳴翡翠愁
無限水宿鴛鴦
鴛鴦冷不勝
陽朔山前好
峯嶺為公憐
愛萬千層

題曾公巖

劉宗傑

謝公高興在東山
尋得仙巖郡邑邊
萬朵連峯凝
碧乳一溪鳴玉逗
寒泉由來物外無
塵景須信壺
中有洞天嶺服已
安褒詔近莫將歸
夢更留連

靈巖山

王安中

鑿破巖崖透碧流
小舟輕泛入深幽
石鱗映水玻
瓈皴山勢凌空
翡翠浮雲護
淵泉晴欲雨
寒生洞府
夏成秋停橈
峭壁題名姓
醉墨淋漓記此游

假守呂叔恭游中隱巖無名洞坐客鄱陽朱國輔
云此洞未有名因公而題欲名曰呂公巖予未敢
披襟而劉子思陳朝彥皆曰甚當戲書五十六字
鏡於石壁間紹興甲戌季春七日 呂愿中

護田綠水轉山拱滴翠羣峯列巨杉洞外僧藍侵
斗漢澗邊人迹隔仙凡深深雲谷春常在寂寂松
扉夜不緘此處得名爰自我須題作呂公巖

雉山寺青蘿閣

孫覲

蠻烟避謗三年過野寺尋僧半日間小檻吹香花
漠漠斷崖漱碧水潺潺枕榔葉底秋聲滿栢子烟
中午夢還便擬買舟隨釣叟一蓑烟雨繫蒼灣

鹿鳴宴

張栻

從昔山川誇八桂只今文物盛南州
秋風萬里携書劍春日端門拜冕旒
聖世取才先實用儒生報國豈身謀
且看廷策三十字為寫平時賦畝憂

九日登千山觀

清晨領客上巉巖前路衣襟濕翠嵐
九日開樽仍絕景西風歛帽且高談
地形盤薄一都會山色周遭萬玉簪
却指飛鴻烟漠漠故園茱菊老江潭

送韓宜州

頃年未識宜州面已信諸賢品藻公幕下從容逢
益友胷中骯髒本家風一麾且與寬彫瘵華髮應
無慕勇功從古安邊須自治人情初不間華戎

題湘山大施堂

山中祖師號無量
壽真身塔在焉

范成大

重倚春林淚竹枝南遊風物鬢成絲難尋桂嶺千
峰夢更了湘山一段奇來去別無心外法行藏休

問塔中師若論大施門前事竿木逢場且賦詩

癸水亭落成示坐客長老之記曰癸水繞東城永

不見刀兵余作亭于水上詳具記中

天將福地鞏巖城形勝山川表裏明舊說桂林無
瘴氣今知灘水辟刀兵雲深銅柱邊聲樂月冷珠
池海面平願挽江流接河漢為君直北洗欃槍

淳熙甲午桂林鹿鳴燕輒賦小詩勸駕

維南吾國最多儒聳看迢迢賦隴書竹實秋風辭
穴鳳桃花春浪脫淵魚月宮移種新栽桂江水朝
宗舊鑿渠況有狀頭坊弁在明年應表第三閭

註自

今歲復朝宗古渠以應文章應舉之
識趙觀文王世則皆郡人魁天下

題融州城樓

陳藻

除却譙樓環解舍蕭條市井客懷悲
高高下下山無數淺淺深深江有時
大布紅裙猛女著半規白扇野人持
城中昨夜亡羊豕聞得誰家虎入籬

客中書事

千載蠻風尚有存此來聞見不堪論
豬膏澤髮湘南婦牛渤塗門嶺右村
行客下牀調瘴藥吏人提

甕灌蔬園宜無佳麗堪娛目別有淒涼只斷魂

伏波巖

朱晞顏

天斲神剜不記年洞中風景異塵寰江波蕩漾青
羅帶崖石虛明碧玉環地接三山真蹟在天連合
浦寶珠還重來恍似乘槎到慚愧雲門夜不關

洞底石間得枯木一株花葉咸無而枝幹峭拔如
峴山晉栢蓋石之精英凝結而成光澤瑩潔不減
冰玉扣之其聲鏗然珊瑚不足道因成鄙句刻之

八桂堂下巖石間以識歲月云慶元改元小春吉

日

天教海若效珍祥不與千林春競芳擲地遺音清
夏玉凌雲直榦凜凝霜誰浮鯨海星槎到猶帶蟾
宮月桂香冶葉浮花掃除盡堅高直欲共天長

青田巖

林 出

老鶴回翔去幾年至今巖壑此名傳躋攀分寸疑
無路飛入方壺却有天白象綠獅呈怪石神泉深

洞隱真仙細看滴乳流脂處不是青田是玉田

清秀山

方信儒

尋徧洞天三十六蒼靈獨悶此巖扉旋除野草開
新徑遮莫寒藤刺客衣歲月偶同題壁字烟霞似
不放人歸把茅欲作開山主已落瞿曇第二機

慶遠龍隱洞

南山山北北山南一洞中分路口三飛鶴叫雲聲
自遠懶龍慳雨睡方酣襄公淡墨留蒼壁太史高

風拂翠嵐百尺巖前清絕處道人先我著茅菴

水月洞

張自明

癸水江頭石似浮銀河影裏月如鉤無人弄杵者
蟾兔有客乘槎訪斗牛自古鵲橋傳七日何年桂
子落三秋金輪待欲常無缺玉斧仍須妙手修

桂林寧壽寺

張湖山

丹級纜升四望賒香消無復夢豪華向來馮氏殫
禪力要擬龍宮作佛家樹老烟霜臺殿古石封苔

蘚井欄斜上人不用蓮花漏自有林梢報曉鴉

舜洞秋風

元 呂思誠

西風颯颯桂林秋萬疊雲山舜洞幽
曉氣浴崖秋色冷涼颺吹樹桂香浮
輕搖斑竹江頭恨遠送蒼梧天外愁
一旦薰風隨律變露華山色滿南州

東渡春瀾

東門東渡柳青青雨後晴瀾春水生
月影流來波影碧浪花飛起雪花輕
連漪忽動魚翻藻浩蕩初

開鳧唳萍終日靜觀還有得層層天色一舟橫

全州

陳孚

城郭依稀小畫圖佛光猶照鐵浮屠
斑斕歸洞見盤瓠格磔滿林聞
鷓鴣蒸水北吞雙練急湘山南
聳一螺孤停鞭欲問炎州事不奈侏離見矮奴

馬平謁柳侯廟

詞華一代日星尊
茶臼村童儼尚存
山左竟令驅癘鬼
庭中已悔乞天孫
善和里隔生前淚
文惠祠

封死後魂欲奠荔枝不知處滿池榕葉擁朱門

興安縣

傅若金

亂峯如劍不知名篁竹蕭蕭送驛程轉粟未休灘
水役負戈猶發夜郎兵百蠻日落朱旗暗五嶺風
來畫角清空使腐儒多感慨西南羣盜幾時平

桂林喜呂仲實僉憲至

正月交州奉使歸忽聞鞍馬發王畿嶺南瘴雨開
銅柱江上春雲逐繡衣草熟蟲蛇常並出樹深豺

虎近皆肥明朝按節勞咨訪邊郡於今未解圍

謁羅池廟

柳州刺史愛羅池廟食千秋傍水涯
隔坐枕榔風瑟瑟近簷椽欖露垂垂
唐碑載事班前史楚曲迎神叶古詞
欲借題籤卜行役祇慚巫祝強知詩

書南寧驛

歲晚驅馳憶帝京北風回首重關情
中天日月迴金闕南極星辰繞玉衡
父老尚煩司馬檄蠻夷須

用伏波兵也知文德能柔遠傳道新恩欲罷征

劉仙巖

雅勒呼

削雲千丈倚蒼崖箭括通天一竅開草樹陰森藏
洞府烟霞縹緲護樓臺白雲已向空中去黃鶴時
聞月下來欲問仙翁借筇竹凌高長笑望蓬萊

籌邊樓

劉懷遠

崢嶸樓閣壓雲端江北江南指顧間萬里風烟堯
宇宙一時人物漢衣冠悠揚鼓角驚蠻膽縹緲旌

旗擁將壇簾捲畫欄春晝永不須烽火報平安

安南進奉使題桂林驛

黎 蔚

楊柳長亭又短亭春風吹旆著江城無人相識客
對客有事可知情度情千里鄉心蝴蝶夢一船客
緒鷓鴣聲不知擁節明朝去又是烟波幾日程

踏盡崔嵬路幾千停車逆旅自年年安危非我所
能及語默隨人深可憐澆破鄉心桑落酒吟消客
恨草堂篇自憐補國無絲髮兩度春風馬一鞭

御製征南詩

明太祖

大將南征膽氣豪腰懸秋水呂虔刀馬鳴甲冑乾
坤靜風動旌旗日月高世上麒麟終有種穴中螻
蟻更何逃大標銅柱歸來日庭院春深慶百勞
詠柳州城戍守

城居邊徼壘避荒烟瘴盈眸癘氣忙旦暮海風搖
屋樹春秋溪水泛灘檣思軍久戍炎蒸地重鎮還
勞綏輯腸但願昊穹舒造化洗清鬱結利同鄉

弔都事趙元龍

劉三吾

白頭從事紫微垣一死能令我道存赴水何慙汨
羅叟裏尸竟在伏波門他年作傳須朋友此日承
家有弟昆誰使甄侯諸將吏皆能盡節報君恩

伏波廟

張以寧

邕州江上古祠宮傳是當年矍鑠翁丹荔黃蕉長
盛祭綠沉金鎖尚英風灘聲夜帶軍聲壯嵐氣秋
隨劍氣空莫羨少游鄉里志封侯廟食至今雄

梧州即景

蒼梧南去近天涯
六士三陳昔此家
水合祥江通漲海
山來桂嶺接長沙
祥光夜認司空劍
爽氣秋

迎博望槎擬欲朗吟亭上客
春風歸看碧桃花

自註

劍光乃漢趙佗埋劍處司
空博望皆吾家故事借用

築興安堤

嚴震直

嶺外河堤築已堅
促裝歸去去朝天
桃花滿路落紅雨
楊柳夾堤生翠烟
黎庶勤勞功幸就
清朝治

化德為先老臣自媿恩無報但祝皇圖億萬年

將至藤州喜賦

劉崧

孤城隱隱見中流八槳翩翩送客舟
山擁瘴烟迷柳碕水穿石磧下梧州
寒暄異景愁深入言語殊方強笑酬
莫歎羈懷勞北望且勤王事賦南遊

送楊九思赴廣西都尉經歷

貝瓊

邛笮康居路盡通西南開鎮兩江雄
漢家大將推楊僕蠻府參軍見郝隆
象迹滿山雲氣白雞聲千

戶日車紅明珠惹惹無人辨歸橐他時莫厭窮

伏波廟

林弼

南征昔日此登臨遺廟空山奠古今萬里風雲常
慘澹千章松桂自蕭森麒麟安用丹青像惹惹難
誣清白心愁聽烏蠻江上笛夕陽一曲武谿深

興安道中

楊基

青山一半入層雲碧澗千林轉夕曛松碣看來多
漢刻竹祠隨處是湘君路經猺崗諸峰直泉入灘

江兩派分莫據孤鞍聽蜀魄野棠疎雨又紛紛

桂林即興二首

曾見重華巡狩來灘江廟宇野棠開山無檜栢皆
巖穴地有芝苓盡藥材花布短衣齊滕制衣竹皮長
帽覆眉裁也應風土交州近丹荔紅椒不用栽

江為池塹石為城南去蒼梧兩日程碧殿尚存虞
帝像青山不廢伏波名蘭根出土長斜掛榕樹成
門却倒生時有苗人與瑤女負薪輸布事科征

宿梧州

任亨泰

舟泊蒼梧已一更
居人無語夜澄澄
露華灑面涼如水
星影搖波焰似燈
幾樹綠雲榕覆岸
一雙白雪鷺棲汀
明當訪古窮竒玩
何處於今有舜陵

摩天嶺

當空隱隱翠相磨
十萬連山未足多
鷹隼搏秋迷樹杪
星河向夜掛巖阿
可憐霧黛雲鬟好
奈此蠻烟瘴氣何
今日風前交趾路
幾回目送馬蹄過

入義寧山中

藍智

踈篁古木抱雲岑
野店山橋入桂林
青草江山春瘴裏
落花風雨夜寒深
一官便擬歸田計
萬里長懷戀闕心
却憶故人霄漢上
霜臺翠栢曉森森

潯州司中

王佑

青山積翠壓城頭
四月高堂氣似秋
藤峽西連徭峯險
柳江下合鬱林流
茅茨繞郭炊烟起
榕葉盈庭宿雨收
昨日歷階雙拜跪
安南貢使入中州

題飛雲山

曾才魯

律岸峯巒氣勢雄
雲舒霞捲影玲瓏
巨人迹在千層石
扶祿祠連一徑松
鶴唳風聲秋嶠外
鴉飛虹影夕陽中
晴看宛若芙蓉帳
壓倒羅浮第一峯

至桂林

陳璉

桂林景物最宜人
况復清時雨露新
昭代禮文初復古
一冬天氣暖如春
衣冠士俗從來盛
庠序儒風自昔淳
我忝一官司教鐸
期將斯道覺斯民

伏波祠懷古

鄭定

荒祠衰草已淒然猶有居人話昔年
銅鼓苔生秋雨後石牆花落夕陽邊
竹書早著平蠻策沙井空餘飲馬泉
詞客經過休感慨雲臺麟閣總寒烟

七星巖

解縉

早飯行春桂水東野花榕葉露重重
七星巖窟篝燈入百轉縈迴徑路通
石溜滴餘成物象古潭深處有蛟龍
却歸為恐衣沾濕洞口雲深日正中

平樂偶成

平樂孤城倚鳳凰
桂江東下入南荒
考槃澗遠度
寒月火焰山危下
夕陽賈客鹽船
芟葉綠野人籬
落菜花黃
春風細草茸茸
錦洗盞停橈
百和香

蒼梧即事

蒼梧城北繫龍洲
水接天南日夜流
冰井鱷池春
草合火山蛟室夜
光浮千家竹屋臨
沙嘴萬斛江
船下石頭歌枕夢
回雲漢近
珮聲猶在鳳凰樓

桂嶺東來下惡灘
蒼梧細柳絲雲間
拍天二水通
交廣聳日高城跨北山
茅屋竹牌依古瀨
筒槽漁艇滿江灣
驛亭笳鼓中宵發
又報南天使節還

蒼梧八景

千古蒼梧劍氣明白雲深鎖鶴回程
孤洲繫住龍潛伏雙井中分水濁清牛糞黃金遺古迹魚生丙穴出嘉亭鱷魚已去無消息皓月清風一舜庭

過思明府

太子泉頭曙色開
仙桃花影覆層臺
摩天嶺勢龍
驥去交趾人從鳥道來
蕃族金符猶什襲
漢庭銅柱久荒摧
西風茄鼓連雲起
十萬山中獵騎回

龍灣

傅維宗

石窟藏靈自古聞
碧波無底浸江濱
水枯忽漲二三尺
歲熟加收四五分
神物蜿蜒盤地軸
靈光燄動動天文
太平有象今全見
白日晴虛五色雲

過蒼梧

黃福

聖恩浩浩諭丁寧使節煌煌益勵精八桂客居秋
十日九疑舟泊月三更炎蒸地許調和節咎竅人
宜役使輕願我師平交土甲喜看遐邇樂深耕

白馬祠

王清

狀元遺廟枕江頭白鳥無聲水自流一代文章超
翰苑千春香火祀炎州玄猿嘯罷青山暮白馬飛
來碧樹秋幾度漁翁沙上泊斷歌明月使人愁

和柳子厚登柳州城樓

嚴貞

獨上層樓望海天異鄉愁思正茫然溪雲暝帶枕
柳雨野日晴銷薜荔烟百粵湖山通絕徼半江菰
米熟秋田舊游別後多零落目斷滄波祇自憐

平樂府

龍瑄

淒淒烟雨嶺南天翠壁青林斷復連山縣總荒兵
火後土民還住賊巢邊車筒晝夜翻江水刀具春
秋種石田幸際時和太平日不須雞骨預占年

潯州晚眺

章敞

山遶孤城水遶川東吳風景尚依然霜前黃葉餘
殘照角外更樓起暮烟簫鼓暫忘南徼路綺羅還
憶鑑湖船衡陽過後無來鴈目斷音書若箇邊

樂川

唐復

百折潺湲遶郡流波浮鴨綠影涵秋沙痕細漾春
風軟藍色微拖宿雨收桂嶺烟嵐行客夢剡溪風
雪故人舟臨流幾欲乘清興何似星槎泛斗牛

思思靖遠峯

揭稽

北眺竒峯翠接天曾聞此處會羣仙乘雲跨鶴人
何在仗劍平蠻事可傳洞口流泉清漱玉波心芳
樹綠含烟元戎去後干戈息共樂雍熙大有年

平南風景

黃潤玉

間道平南古鷺州燕來燕去自春秋
天時既正山無瘴地脉鍾靈水順流
文到梁公登上第學從程子紹前修
祗今可喜遺風在禮樂絃歌樂未休

都嶠山

袁衷

繡江東望聳羣峰玉削芙蓉紫翠重
瑤草瓊芝春不老石臺蘿徑畫長封
巖前風煖棲玄鶴洞口雲深卧老龍
鳳去聲遙丹竈冷我來何處覓仙蹤

犀牛井

稜稜石竅附巖隈造化何年巧鑿開
一脉靈湫消復長半泓神液去還來
盈虛氣類旋潮信呼吸聲如動地雷
坐倚雲根毛骨竦恍疑飛步到蓬萊

遊羅叢巖

楊濂

巖壑陰陰鎖薜蘿，洞門偏有月明多。
先生寶殿搖金碧，影落寒潭瑩玉波。
孤鶴夢回棲不定，羣鴉驚起去還過。
行當攜手山亭上，坐對嬋娟問若何。

題控粵亭

成化二年冬宿重
兵蒼梧構亭而作

韓雍

開府蒼梧構野亭，旌麾駐此喜時寧。
全收百粵歸王化，遙制諸蕃貢帝庭。
霜氣飛來江月白，瘴烟消盡海天青。
丈夫有志堪輿內，豈獨燕然可勒銘。

成化二年春王師平南夷而釋其降七月班師既

斷藤峽偽降元兇侯鄭昂王牛兒誘黨復叛偷攻
潯江不利遁過潯江之南移檄撫招執迷不從復
偷剗北流容縣惡極罪大不可容迺於是歲十一
月躬督諸將將兵犄角進剿甫三月已俘鄭昂至
軍寘諸重典牛兒亦授首斬其黨四千九百有奇
歸所掠士民子女二千七百人潯梧高雷廉諸處
地方復寧誠朝廷威德所致也師還駐蒼梧登控
粵亭讀張方伯廷璽所作亭記紀此出師有舉網

竭澤之言竊歎古之賢將相奉辭伐罪未嘗妄殺
人以要功竭澤豈忍言然是賊也毒虐無極冥頑
不悔與潮之鱷魚無異不盡戮則吾民之患不已
古今人行事凡所以除患救民豈得已哉因賦此
體詩一章書之亭中明著聖天子命將出師滅賊
之本末傳示來世

放生池裏盡昏昏鱷尾重搖苦噬吞觸網竟歸堯
佐手投文虛負退之恩惡溪千里空流血澤國三

軍厭食殮還理任公舊鈎鈞相期收取北溟鯤

聞從者談土俗寫懷東王憲僉

劉大夏

邕州壤地接交南淒楚夷風不忍談男女歌謠成
蚤禮官民爾汝集茅菴瘴來山谷雲應黑毒入溪
河水盡藍藍漂泊獨憐吳楚客故園回首意何堪

田州發船顧夷民有感

滿城良賤立沙頭相對難言獨上舟天下有生皆
我類眼前無計為渠謀狄青何日能平賊李廣逢

時定拜侯回首蓬窗倍惆悵淚痕非為別情留

控粵亭

王祐

一亭突兀鎮梧山氛祲潛銷氣槩間玉帳宏開威
令肅虎牙森衛鼓鞞閒坐招降寇分符去立待游
兵報捷還駐節此中勞控制不因風景漫躋攀

同柳州守柳廷文練民歎

西廣民
兵曰歎

桑悅

朱盛皂甲盡貔貅呼噪潯江水倒流自古農夫皆
戰卒於今太守即諸侯兩行旌旆依山麓千騎弓

刀擁道周老倅幾番陪簡閱醉歸剪燭看銀鈎

赴墟

憧憧來往赴墟辰細嚼檳榔血點唇花布抹頭多
獐老青巾撮髻是軍人東來甘蔗如修竹老去藤
香作降真夷俗不知文化近何時弓弩暫離身

過十二磯

在梧
州

亂石危磯急瀨聲扁舟汎汎水中萍月當秋夜十
分白天到遐荒一樣青引路哨船鳴鼓吹前山軍

堡出旗旌回頭便有開懷處無數峯巒列翠屏

記獮俗六首

動講襄公九世誓通情洗面只償牛

以陪禮為洗面

親鄰

相助歌迎鬼

冬月歌舞迎鬼賽神殺牛豕數十親鄰各携牲口來助

男女分

行戲打毬赴敵護頭裝鳳翅占疑隨手擲雞頭幾
回緝事軍先覺木刻傳村有別謀

飲食行藏總異人衣襟刺繡作文身鼠毛火淨連
皮炙牛骨糟酣似酒醇小語相侵隨致怨清歌互

答自成親

謂唱歌
為唱歌

越墟亦有能裝束數朵銀花綴

網巾

山深路遠不通鹽蕉葉燒灰把菜醃女髻風鬟純

黑綰男頭雨笠盡紅尖租田亦與人分柳

民夷皆
云分木

為分
柳

摘穠惟將手當鎌間有十冬驅賦役欲詢無

計召交譚

柳人名排年
里長為十冬

村村竹木占山鄉屢殺人民似犬羊冬盡水乾燕

送哨春來箐密喜裝塘能通官語惟村老慣結同

年是熟商

稱相交者為同年

夫子居夷心一片清燈間坐

細思量

除夜雙盤貯鷓鴣清晨蟻集看何如

除夜置油灸鷓鴣二盤於

地早看集黃蟻多則軍強黑蟻多則強

斫牛伏地心先動

欲行利以利刃斫牛

跳躍則止

牽犬登山樂事多毒藥煎成封弩箭純綱煉

就作干戈殺人每講陪頭物有數從來實不孚

如講

十牛凡羊豕俱當牛

姓同處處是華宗

稱同姓者為華宗

朝甫先加老喚公

初名

朝某長名甫
某老名公某

三界有靈馬助虐諸馮非祀肯相容

只將刮奪為生理亦以均分示至公誰把峯巒齋
一剷平疇萬里盡歸農

桔亭翠栢

盧瑞

元戎勲業鎮邊城祠宇森森古栢榮翠黛侵窻巒
雨息綠陰籠砌瘴烟晴出林香氣風前散送晚鐘
聲樹裏鳴好是將軍堅節操百年遺愛有餘清

遊鐵城

梁益

踏破蒼苔一徑幽
人間信是有丹丘
雲開鐵障千尋碧
泉落巖扉六月秋
仙鶴護巢塵不染
青牛出峽迹空留
遙聞絕頂飛霞珮
疑是羣真拜玉旒

聳雲樓

袁賓

百里城中百尺樓
高明直欲冠南州
九疑山色天邊到
五管雲容席上收
杜老壯懷多暇日
元龍豪氣貫清秋
古今俯仰無窮意
懷水東南晝夜流

鬱林即事

黃鎬

鬱林城抱大容山水色山光指顧間雲起幽巖勾
漏洞馬經險道鬼門關空舟郡守名猶在跨鶴仙
人去不還石柱烟消烽火息伏波威望壓諸蠻

蘇太守忒死節

黎冕

斷雲殘照接三湘七里坡前舊戰場太守何慚真
烈士靖州原是古桐鄉科名一代風雲外節義千
年日月光砥柱中流知有幾史臣端為表綱常

思恩惠泉

湯琛

村南小阜出靈源流入城中益湛然時與生民沾
惠澤盡知滋味敵甘泉携餅曉汲歸山徑抱甕春
耕灌野田我有塵纓未能濯幾時相許到雲邊

廣西

丁養浩

越絕天南地一陬萬山南去水南流危峯卓戟千
雲上深箐籠烟蔽日頭蠻獠陸梁淹備禦瘴鄉凋
弊足誅求不堪故壘登臨處戀闕思親總是愁

遊湘山次韻

蔣冕

我愛奚囊手自提，尋幽要與鶴同棲。
黃龍說法人天外，白馬馱經竺國西。
澗水長從蒼蘚出，峯巒高與碧雲齊。
興來拾得春風句，直向懸崖石上題。

過邕紀行

姚 鏌

頻年行部過邕州，眼底天光次第收。
林邑峯高雲半濕，崑崙道險樹偏稠。
三春野外鳴耕犢，十里江干繫客舟。
况是聖明文化闊，絃歌幾處月當樓。

春日湘山登眺

陳 瑤

古刹幽岑鳥不啼芙蓉一杖俯丹梯烟花縹緲諸
天近雲樹蒼茫萬壑低杯渡湘源三峽外燈傳楚
塞五陵西莫愁登眺迷歸路蘿月松陰送馬蹄

和姜應遠平蠻

何孟春

記得轅門督戰時
琯戈鐵鉞子親麾
風雲氣可三軍助
文武才應兩鎮知
南顧曾紓天子慮
中行不忝丈人師
勸農可及宣威後
蠻地從今重荷犂
和練民兵

繡幃秋深課刈蒿丁年多少甲裏袍銅符遠拜雙
魚寵刀筆兼收汗馬勞人穀不孤唐進士建牙誰
起魏功曹南荒此日煩經畧行有霓旌下寵褒

南寧二首

王守仁

一駐南寧五月餘纔因送遠過僧廬浮屠絕壁經
殘燹井竈沿村見廢墟撫恤尚慚凋敝後遊觀正
及省耕初近聞襁負歸徭犛犗莫陋夷方不可居
勞矣田人莫遠迎瘡痍未定犬猶驚燹餘破屋須

先緝雨後荒畬莫廢耕歸喜逃亡來負襁貧憐襦
袴綴旗旌聖朝恩澤寬如海甌鮒盆魚縱爾生

謁伏波廟

四十年前夢裏詩此行天定豈人為徂征敢倚風
雲陣所過須同時雨師尚喜遠人知向望却慚無
術救瘡痍從來勝算歸廊廟耻說干戈定四夷
樓船金鼓宿烏蠻魚麗羣舟夜上灘月繞旌旗千
嶂靜風傳鈴柝九溪寒荒夷未必先聲服神武由

來不殺難想見虞廷新氣象兩階干羽五雲端

破斷藤峽

才看干羽格苗夷忽見風雷起戰旗六月徂征非
得已一方流毒已多時遷賓玉石分須早柳慶雲
霓怨莫遲嗟爾有司懲既往好將恩信撫遺黎

平八寨

見說韓公破此蠻獍貅十萬騎連山而今止用三
千卒遂爾收功一月間豈是人謀能妙算偶逢天

卷一百二十三
助及師還窮搜極討非長計須有恩威化梗頑

聳雲樓

區昌

新構層樓壯邑觀飛簷高聳碧雲端清秋著眼海天濶午夜逼人星斗寒官業未成空自感民生多難敢求安江湖魏闕心無限北望何堪獨倚欄

林督府平新寧還鎮

徐問

軍麾翫翫動羊城授鉞宣風仗此行謀國古推方叔壯律師今識丈人貞鯨鯢不鼓滄溟浪狐兔潛

逃草木兵此日君王緩南顧巖廊虛佇看昇平

題安遠橋

楊英淑

百尺危橋俯碧流汀蘭岸芷接芳洲倚欄長笑江
天暮拭目遙觀海宇秋幾點漁燈浮水面數聲樵
笛過橋頭獨憐身在炎荒遠常有丹心戀帝州

蒼梧道中

顧應祥

停杯漫說蒼梧路水急峯高鳥道微薄午枕林猶
宿霧深秋稚子只單衣連宵警柝村墟迥隔岸搖

山草木肥慚愧為儒無短劍倚蓬時看白鷗飛

橫州馬伏波祠

烏蠻灘上伏波祠萬里南來酌一卮
蕙蒞不妨成貝錦功名終許勒宗彝
雲連草樹疑精爽地雜華夷仰護持
屈指雲臺舊時將幾人廟食尚天涯

武靖州舊城

甘振

江上浮雲宿雨晴中原誰復誓澄清
虎符此日千金重雉堞何時百堵成
要使粵人知漢德終令南

土識天聲從今紀得經行處野水孤帆夕照明

黔江

晚風吹度祖生舟意氣終當肅九秋黃帽刺船驚
水府錦袍腰箭落旄頭斷藤峽破詩留石細柳軍
回劍倚樓西望不勝成激烈兩江橫截似襟喉

鎮遠樓落成時正德乙亥重九日房參戎拉予登
酌公創建甚多此其一

竹杖芒鞋快此遊人間好景是清秋平生彭澤東

離酒今日潯陽鎮遠樓鼓角吹殘霜月冷金湯隔
斷瘴烟收折衝樽俎英雄事剛道輸公第一籌

夏日登賓州南樓

陳宗德

烟樹蒼茫眼界賒樓頭踏遍日西斜雲開遠景看
林木風帶微香渡野花山不斷青連碧漢水微拖
綠護田家近來喜得邊塵淨仰仗兵威鎮泰華

始至太平

田惟祐

佐職叨承寵命嘉疎才自合處荒遐郡中編戶惟

三里城內居民止一家十九縣州環粵徼萬千山
水極天涯宦遊到此饒閒暇不負年來兩鬢華

登立魚峰

戴欽

小龍潭上立魚山絕壁懸蘿豈易攀金磴斜分天
路轉翠霞高抱玉峯間洞中白日憑吞吐江上漁
舟自往還清嘯隨風落牛斗置身遙在五雲端

富川鐘山

張祐

村墟牢落負良宵寒月遙看上泐瀟火樹星橋行

處少瘴烟蠻霧坐中饒勇冠獨愧匡時策虎旅人
驚拔俗標得了公家今日事便應雲水老漁樵

橫州伏波廟

黃佐

高灘危石鎖崔嵬長夏風烟午未開南海樓船從
此去中原冠冕至今來武陵一曲風塵靜銅柱孤
標日月迴千載伏波祠宇在漢朝何處有雲臺

登馬退山望邕州

張岳

筍輿穿嶺又高峯極望關山興不窮元氣遠浮瀛

海外人家多在翠微中
軟莎黃犢迷烟雨
極浦歸帆逗晚風
兵侵沈銷春晝永
兩江林樹鬱青葱

入邕州

邕州城北兩江來
五管金湯亦壯哉
海賈盡通身毒布
堠亭遙擬白龍堆
臥關虎豹春霾霧
入匣雌雄夜吼雷
禦遠古來資上畧
天南驕馬已銜枚

經宿受降城

老夫越吏姓名通
銜璧牽羊事不同
聖代神靈跨

往昔南天萬水盡朝東
荒山故壘籠寒月
征馬孤嘶自晚風
讀罷穹碑一悵望
螭頭飛動欲騰空

登南寧鎮江門

許天錫

武號山前瘴雨收
鎮江門外水長流
一冬天氣長如夏
連日風號只自秋
遠思直窮千里目
吟懷聊寄五花洲
天荒落日堪惆悵
莫上籌邊百尺樓

游勾漏洞

徐棻

折簡相招弄綵霞
芙蓉千丈振朝華
金銀宮闕窺

三島雲樹江城隱萬家高倚斗杓浮綠蟻竒探巖
壑拾丹砂低回欲訪神仙令望斷松門白鹿車

遊羅秀山

朱紹昌

芙蓉秀疊半龕懸靈迹猶傳葛稚川偶見鹿眠疑
藥圃因聞龍化探瑤泉碑橫宿莽凝烟碧徑積新
楓帶露鮮卜築欲尋山下宅鼎邊妄意夙生緣

鬱林即事

孫迪

百年誰向此乘驄路遶天隅北斗東行役敢辭炎

瘴毒羈儲時憫室家空轟雷忽送隨車雨嘉穀隨
成滿地風回首洞天渾咫尺欲尋仙迹問山公

古浪溪

嚴逾

紅爛風前幾樹桃綠田山下一溪毛晚來急雨驚
瓠齏日見餘波謝桔槔斷岸礧礧難著渡小鮮骨
鯁不容刀侵星勸課烟郊外笑指長虹隱碧濤

繫龍洲

潘思

碣石嶙峋控此洲蒼梧雲逐水分流清天影落金

熬靜火嶺光連玉竦浮舟畔忽傳津吏鼓林間時
聽越人謳却慚蹤迹牽纓紱未似當年五嶽遊

立春日至潯州見桃花

去春燕地猶冰雪今日潯江已見桃物候獨嗟中
土異天涯那惜此身勞風吹紅雨沾行蓋路入芳
叢映客袍更喜羣生逢道泰不妨人事日蕭騷

題橫州秦少游書院

陳 袞

芳草蕭蕭一徑通小橋流水近興龍醉鄉還有前

賢所新法終無後代蹤
花落海棠春已去香餘村
釀酒空濃不才幾度曾
談處須信人間是小封

署中念及部下西征軍士

鄧炳

火輪烜赫自清朝
步卒如林不御輶
瘴癘氣蒸陽月盛
敵巢西去洞天遙
荒池無水梅消渴
烏道無程草沒腰
衝冒炎威知最苦
竹林流汗透輕蕉
柳州北郭新作鎮
越樓與康磐峯少
參覽眺

謝少南

龍城北郭起層臺上有高樓四望開千嶂雲銷檐
外出雙江雨過霧中來猿人墟遠連烟火逐客祠
深半草萊忽漫與君臨此地共憑風檻罷傳杯

柳州謁賢良祠

諫議祠堂兩地成湘西柳郡北昌平危言總為當
時計直道何知後世名隔岸墓林圍茂草繞祠江
水泛香蘅登科我輩猶顏厚不盡千秋萬古情
烏蠻灘謁馬伏波祠

老將南征自許身曾驅萬旅此江濱鐵衣試馬酬
炎帝銅柱分疆戢遠人死後何須明蒼苒生前早
見畫麒麟蕭條異代風雲變猶有灘聲動鬼神

左江道中

遠水涵天漾色同草堤沙磧並連空行人獨往迎
斜日歸鳥雙飛趁晚風海近潮痕常帶綠歲窮山
果不凋紅裁書欲寄湘南鯉矯首徒招塞北鴻

自秦人洞過牛關望銅柱

錢薇

策騎邊關窈窕行
攀蘿一徑萬山橫
乾坤勝槩王猷遠
湖海間關使事怍
攬轡未能消
卉服偃戈還
喜靜蠻獯遙瞻銅柱開
千古新息竒功更可旌

銅鼓灘

路出清潯銅鼓灘
天風吹棹度汪瀾
高江神禹應難鑿
古郡秦皇未許官
椎髻語言殊不白
花枝濃淡自含丹
欲知同軌稱王會
隨處夷歌漢網寬

校文廣右次大司寇周貞菴

呂希周

高秋爽氣日華東，八望清光似鏡中。
萬馬飛騰依碧落，五雲香靄御晴風。
天昌百粵山初合，鯢化南溟海亦空。
月出邊城銀箭急，餘輝中夜燭羣峰。
鹿鳴宴示廣右諸生

八桂秋高宿霧收，灘江式宴漾清流。
神魚出海從空躍，瑞鳥鳴岐豈待蒐。
燕樂直看侔大造，周行還擬效前修。
欣逢詔歷升中日，好捧光華照九州。

閱武

張佳蔭

承平不講六韜文教士春原盡日曛營勢總然成
虎豹陣圖曾否象風雲關門鎖鑰孤城重天地華
夷一郡分莫道南方難用武斯民舊號伏波軍

遊思陵山

雨後春明野望開旌旗同上最高臺千山指點華
夷界二水遙從左右來戰伐當年俱寇壘太平今日
共尊壘流連豈是耽邱壑懷古應憐制粵才

閱視南寧城

炎郊春望白雲浮指顧提封一瞬收
睥睨青依千嶂出樓臺聲遠二江流
當時銅柱留遺事此日旌旗豈漫遊
敢告邊關司牧者西南輕重本邕州

殷中丞平廣西

沈明臣

密菁如天峭壁孤大藤峽斷走狂奴
懸知上帝收槃瓠遂有王師滅短狐
萬里風烟開八桂九天日月照蒼梧
功成肘挂黃金印御史中丞漢大夫

道鄉書院舊碑

李圭

嘉靖丁未歲於道中得井欄一面滌其泥穢有字
漸露乃斷碑也遂徧求之更得數片惜不能成章
乃為置之學宮

道鄉書院久銷沈誰憶殘碑此日尋天為忠賢留
故跡人於夢寐感知音貞珉肯逐風霜變妙畫原
非鬼物侵讀罷益增今昔感斗山應借重儒林

渡烏蠻灘

董傳策

巨峽奔騰倒石根嘯猿啼鳥失山村飛湍欲躍雙

蛟出疊壑俄驚萬馬掀江客孤航風夾浪萬師十
月汗翻盆明時漫復愁荒徼夷險從知吾道存

過橫上下諸灘

苦竹黃泥矜噴壺鼠牙磨角溜迴湍銜恩不計夷
方險報主誰言行路難落日玄猿啼瞑嶠戍樓青
角下寒灘側身萬里瞻雲漢江鳥山花總自看

近戍

鬱江盤折注炎壤邕管蒼涼樹藝荒村女趁墟簪

茉莉市擔包茗載檳榔日消池霧萋沾碧風撥山
雲袖染黃達舍彎弧空好在偏驚猺騎柝聲長

蒼梧花

即刺桐花異物志嶺南多此物因以名郡升菴楊
太史有刺桐花行謂惟嶺南及滇中有之然觀唐
劉昌言下第詩云惟有夜來蝴蝶夢翩翩飛入刺
桐花昌言泉州人豈閩中徃亦有之抑泉固嶺南
境耶今潯邕一帶最繁人家至插籬落春夏之交

始開臨水作淺紅
色夾粉痕千林競放妍
致可愛
炎靄迎嵐溪水潺
蒼梧花發破林慳
絳痕啄出鸚
哥色粉撲翻成蝴蝶斑
巧自芳菲醺碧落妍
誰妬
娜鬪朱顏風流太史滇
中賦嶺表慚予語作蠻

平古田詩

俞大猷

相逢盡問事何如
我亦九夷一度居
此日但能行
篤敬他時可使戶
詩書柔非剛克功
常罔恩用威
施化有餘開闢千
年今再見却疑天
地果無初

題住仙亭

霍與瑕

明公開府控西州，伐暴招携賴壯猷。
八寨從風無犬吠，四山明月有啼鳩。
星辰影動銀河淡，海宇涼生玉露浮。
畫角五更吹到曉，不知何日重來遊。

遊堯山玉皇閣

張鳴鳳

仙閣高鄰上帝宮，石欄攀眺出晴空。
山如列宿齋朝北，江似遊龍曲向東。
豈羨鍊形堪馭鶴，尚憐竒氣欲凌虹。
醉鄉近在吾家側，不用裁書寄朔鴻。

百壽巖

劉 綰

南北奔馳春又深，壽巖勝處漫開襟。
酒情悞惹閒花妒，詩興偏諧好鳥吟。
百戰有懷憐白骨，九重無自暴丹心。
丈夫滿抱籌邊策，肯向天涯嘆陸沈。

匣劍重開血未乾，龍光又射斗牛寒。
玉關西去幾千里，函谷東封僅一丸。
敢謂風塵淹逐客，還期露布走材官。
生平許國心如鐵，到處乾坤正氣漫。

遊思陵山

范 柳

琳宇峒堯郡郭西何緣飛蓋躡丹梯風傳天籟松
濤遠烟鎖江城樹色齊一雨乍看勤耒耜四郊猶
喜靜鯨鯢勝遊取次同顏謝好把山靈細品題

花石洞

李先春

何年花石自成臺為訪仙源載酒來壺裏有天餘
日月山中無地著塵埃松濤夜落醒龍耳梅吹秋
深起鶴猜想是巨靈曾解約四門今始為余開

四門巖

乾坤容易幾開樽
駐馬乘秋叩四門
何處金蓮垂地液
萬年玉柱自天根
月明似妒龍珠媚
石怪猶疑虎迹蹲
笑指丹崖尋羽客
逢人直欲問桃源

倚雲樓

倚雲樓閣冠南州
指顧乾坤足勝游
四壁芙蓉雲外落
半簾烟水望中收
瘴開已見山邀月
蠻淨猶聞牧有牛
徙倚闌干聽吹笛
何人解作武城秋

秋日湘南雜興八首

錄四

何喬遠

桂林秋色滿清湘
天畔登臺百粵長
南入交州多
蒼苾東來海國有
扶桑雲遊衡祝窺
三楚風馭羅
浮限五羊鴻鴈稻
梁無信息不知何
地望江鄉

堯山舜廟鬱盤紆
丹鳥青沙事有無
斑竹暮雲誰
鼓瑟蒼梧明月有
啼烏登封自古朝
炎服下瀨何
年入戰圖今日直
煩龔渤海令人解
犢勸樵蘇

漢家開府有韓雍
都督山雲後再逢
鐵騎遙清巒
尚穴銅關永閉日
南封黃茅秋瘴吹
朝雨烏鬼幽

篁散暮峯此日東夷頻寇盜斯人安得起從容

辟客遙憐李義山西崑新賦動江關宋公題壁空
多感柳子誣溪且未還官散兼無監稅局村遊時
見赴虛蠻惠州蘓軾真堪學田父藜羹共笑顏

白州弔古

堯 愷

雙角山前路轉危停鞭遙問採樵兒石家金谷知
安在梁女明珠竟可悲野水荒村無客到清風高
節有人思我來弔古空惆悵獨立西巖盼落暉

送揚義叔憲副之左江

區大相

三年暫返滇池節萬里仍揚桂水旌漢使由來多
象郡越江何處似羊城褰帷未厭關山遠開府能
令瘴癘清正喜遐方無戰伐不勞溪笛怨南征

予鉤校至潯已近午節階前菊二盆開花甚盛詢
之云郝學博齋頭數十盆獨此二盆忽花非常種
也為賦一詩

魏 濬

五月能開九月花最憐炎日有寒葩間看籬槿休

爭麗靜伴畦蘭併茁芽
傍節未須愁乏酒
落英還取弔懷沙
從來仙種多靈幻
不與人間管歲華

余初行部自梧之邕
道橫永間墟集皆無草舍
值雨就雨中貿易蓋所創
見因作詩

茗藍雙放龍頭安
却坐林邊解竹簟
椶葉結衣宜避濕
青紗裏額不憂寒
萋根對語時還嚼
車騎來過亦聚觀
此去茅村應未遠
滿蹊澀勒翠團團
迂迴巖逕轉嵯峨
笑問蠻家第幾窠
入市每依芒

木布出門時唱浪花歌
尙丁慣箸殲狐矢
獐女能拋織貝梭
墟散盡投歸路去
斷烟半隴冒荒蘿

神機潮水

李知微

一泓泉水蟄馮夷
感應靈通妙莫窺
消長徧時常出沒
屈伸還共月盈虧
蟠旋地脈看無迹
幹運天功信有期
每歲為民驅旱魃
剗牛燒紙拜江湄

紫水靈源

地脉流霞世不常
幾回湧出協和祥
殷紅色膩膳

脂重輕艷香飄羅帶長已兆雲衢多俊彥復昭花
縣有循良時人不信觀河洛清應文明世運昌

張義姑

凌必正

從來偉節立孤難閨閣程嬰智力殫甘謝桃夭百
歲好苦扶棠棣一枝殘母慈父教皆姑任祖德孫
謀藉女完慶衍宮花幾半壁問誰風雨護巢安

蔣孺人貞節

蘇靖
州妻

李盤

官人戰歿又無孤涕淚嗟同萬骨枯老去鸞光秋

八閣愁餘鶴淚冷歸梧釵荆長掩青廬色庭樹空
聞高蓋呼二百年來稱刺史忠貞雙照粵西隅

三江鎮

董應揚

迢遞三江水聚頭獨開雄鎮擁貔貅城圍睥睨傍
通徑府構鬼戕坐運籌文武更番憑要害歲時無
刻不綢繆如何烽靖人蹤寂蛛網高牙草滿樓

廣西通志卷一百二十三